

kvts. Rvtce-kuphe hopvye mahen vpeyēt omes, momen honnen sapolicet oktahv-rakko 'sete hoyvnehocet omes.

Alepvike uewv ehvlewv eshokkolat svpeyaket omes. Rvtce-kuphe oktahv-rakko oli ykvvpre ele here en hahoyvtet omes.

Alepvike estomet oktahv-rakko ete hoyvnekot omēs, rvtce-kuphe heran ocekaten omat.

FUSWV TAFV HERE.

HEYVT fuswv rakke mahat vhaket os. Uebatkv tupalvn ekvny hiyan fullet omes, momen Wahlv-fveev ekvny likan lopuckuset fulles. Rakrvketvt omes, momet rvtce-kuphe omet, uewv eskekis, hofunen fullet, momet ekvny oktahan fullet omes. En hvlwe estele-vhopakv palis sases, momet yekevketvt omekv, este hokkolet ohkakis es letkes. En heckv lastuse, hololoteuset omes, momet e tvrpv esse e hvce tepakat hvthicet omes. Esse telēkmuset omes, momen heyv fuswv honhoyetvt omekv, tvmecekot omes. Momis corakko pvfpvne mahat sem pvfpvnet omet, fveevn ayen omat, naket evkikekos, momis hoporrenvkekot omet, kololuecet fullen, cakket pvsythoyet omes. Heyv fuswv oktahan korret, em puknvkv hayaket omes, momen sulket em puknvkv hvnkusis etem oh kayakēt, echustake pale cahkepen, monkat pale epakis puknvkv hvnkusat vtehet omakes. Echustake estuce ekv en rakke omaket, momet hompetv tis heret omes. E hvrpe lanvket, momet tvkvctvwet omen, uewv es esketv tis hahoyet omes.



Tafv-lvste es fulhoyvnto heyv fuswv e tafvt omes.

Nakokv-rakko heyv fuswv opunvyecat, "Mvt echustake ekvny ofv wiket, momet ēssu ofvn hihoyicet omes, momet elet wokuce tayat, monkat ele-ostetis tvkohlice tayat ehoset omes. Echustake enake toko omecet, vnokecekot omes.

Heyv fuswv hompetv em vlōstuset omes, momet hacohakuset omekv, nake estomen em vpvlvthoyis oh tasket loket omēs.

Este mvnettyke, vculakis, Este-nekriev em vtot-

kylke mv fuswv omaket, nake holwvyeckv em vcah-
nat vtekat, oh tasecet omes. Momekv mv fuswv
omaket omes, eto-cvsketv tis, cvto tis, vcopy tis
nokmelaket omakes, cepane okhacusicis em vpylatat
eme es afvekepat tvlkuse.

 UEKATCV.

UEKATCV nake esherakuset, momis cvpvkhone
tes, Cusvlke em ekvnhvlwe eto vlhekan.

En rakrvke efv rakrakat en rakke omaket omes.
Momis pose omet omes. Pose omet ayopket fulles,
momet etou vcemecet omes. Momet pose cesse
emehakvnto omet, nake emehaket oh tasket, ayocet
omes.

Hesaketvmese owalv Cvlemia em onayvtes.


“Momekv este-papvt eto ofv aosset pvsvtvres,
momen nere yvhvt estemerrvkueevres, momen ue-
katev tvlofv vhecicen este estimvt tvlofv ossat vte-
kat lvtahleevres, en naorketvt sulket ok, momen
pylke fulecakat ohvtvlaket ayet omekv.” Jer. 5:6.

Momen ahvmkv Cusvlke Hesaketvmese ehosa-
ket, nake vhake emekusvpakof, Hesaketvmese owa-
lvn Hoseyv n ohtotvtes hiyomen nake en kerkueev-
ranen.

“6 Fvcecakvtes, efeke hvlwecakvtes, momekv vne
cv hosaket omakvtes.

“7 Momekv este-papy em e omecares, uekatev
omit nene tempen vketecares.

“8 Nokuse echustakuce en cvwhoye omit vnr-
pares, momet efeke ohrvnkvn lvtvhlecares, momet



myñ lokares este-papv omit; ele-oste honecatet lv-
tvhlecures." Hos. 13:6, 7, 8.

Uekatev en hocce hēruset omes, lane, lvslyte es
hoccet omet, hololotenset omes. Hiyomet en hocce
cahmeliket omekv, uekatev nake ele-oste emvrah-
kuset omes.

"Este-lyste e hvrpe etice taye haks? momekat
uekatev en tokohle etice taye haks? Mome tayen
omat, ceme take nake holwyke vfvstetv es emunk
hayatskateu nake hēren vfvstatske taves." Jer.
13:23.

Pume uekatev tokohle lvslatat uewv 'sem ok-
koseye estomis, en hocce vslehcēkos. Momis Hesa-
ketvmese en yekcetvt momece tayet omēs. Momekv
nake holwyke vfašte es emunk hayeyet omen omat,
nake here vfvstetv pun yekcet omes. Momekv He-
saketvmese emekusvpraneyet omes, "Feke hvsyt-

ken pun hayet, puyvfekev mehenwvn pum oh muev-
seevren."

Heyvn ce hohsvkates, holwvke fulletvn esker-
ratskvten omat, yekce hēren vnrapet wikvranatsket
omes. Momatskekon omat, ēce 'culakvkofvn holwv-
yeckvu ohvtvlaket ayvres, momet etv hakeko wites.

Hesaketvmese mekusvps, momat mvt cem vni-
cen, nake holwvke vtekat en homecet, wiket, nake
here mehemwe fvce ocan vnokecet, omvlkvn vfvste
tayen ce hayvren em'pohvs.

Hesaketvmese Eppuce Cesvs Klist pu Hesayeev
em vhakv este omvlkvt, tvlwavlke omvlkvt kerraket
vfvstakof nettv heraket omvres. Este omvlkvt Cesvs
vnokecaket, emeu etenokecaket omvret okv.

"6 Yvhv yvpefikucen vpokvres, momen uekatev
cowatucen em wakkvres; momen wakuce este-papv
wakuce-nehā etohkvlket lumhvres, momen estucet
evpyvres.

"7 Wakv nokuse tepaket nanopvres, echustakeu
tohkvlket lumhvres, momen este-papv wakv-vtotkv
omet pvhen pvpvres.

"8 Momen estuce pese-cokusat cetto em vhan-
ken oh ahkopvrvres, momen estuce pese-wikusat
cetto hutē enke oh wvkeevres.

"9 Vm Ekvvn-hvlwe hvsatkusate vtekat ofv na-
ket en nokkicekares, momet vhopvnekares. Cehofv
ohhoporrenkv uewv uehvtkv ohranāt omet, ekvvn
fvceevret okv." Hesvyv 11:6, 7, 8, 9.

Heyv oketv vflackusat orvranet omes. Este Cesvs
vnokecakat heyv nettv hecvranet omes. Yvmv ekv-
vnv heyv nake momvranen okvtes, Tvlwv cahmelike
Cesvs em opunvkv-hervn kerraket, vkvsvmakof horre

wikvres, momet etohkvllket ete'ncakuset fullvres, ete'n hompaket fullvres. Momekv heyvn okvtes, nake 'senhoneckvken svhopayet okvtes. Tvlofv estomet Cesvs em vhakvn vfvstaken omat, estofis heyvt en cakket omes. Hiyome mv opunkv-herv pohvkeko munke vpokakat momvkekot omakes, momis ete'n horkopaket, ete pvsvtaket, ete wiyaket komis, momecaket ete'stemerrvkuecet omakes. Nake heyv omakan Cesvs em vhakv vsehet omes. Momekv mvn este kerraket vfvstakof, herkvvlakket omes.

Momis heyvn vtekusen mv herkv sumket omekos. Mv Cesvs oh vkvsvmakvte ena ele estomis, hesahoket emunkvt omvres.

NAORKETU ENKVPVKETU.

Pu feke em munkv holwvket omes, momen pume etawv tat hervken hayeko tetayet omes. Nettv hvnken fvcev heren vkerricet, momet fvcev heren nake celayetvn kometske estomis, momehcetskekos, Hesaketvmeset ce mvnicekon omat. Momen vn hesse toyetskat, Hesaketvmese cen naorketv omvkv en homecet omes. Pu feke holwvhokat estomeceyv haks? Estomecet mvrahkueceyvte te? Estomet pun naorketv pun kvpvkv haks? Hesaketvmeset okat, cen naorketvn ce feken es nokkievks, maket omes. Mv momeyat pu 'stemerrihocen, momet nake holwvke tis 'poh vlakket omekv, mv vrahkv vn pu feke nokket omes. Efeknokketv yv omat fvcev tokot omes.

Vn hesse toyetskat, efeke-nokketv heyv omat

pum munkv tat ocekot omes, Hesaketvmese em Puyvfekev Vcakat pum vnicet omekon omat. Momekv Hesaketvmesen Puyvfekev Hvsvtkat pu'mvren emekusvpraneyet omes. Pun naorketv vnokeceye munken omat, pun naorketv pun kvpvkeko munkvt omes.

Hesaketvmese emekusapetsken em Puyvfekevn ece'pvyecicet, heyv nake ce mvhayekvs, momet ce feke holwakat ce hecicet ce kerricekvs, momen, cen naorketv ce hecicen, ce Hesayecvt cen kvpyecievren estofis oh hecetske emunkekvs.

 CETTO.

WAHVLV EkvNV EkvNVfske 'res en hopvyen EkvNVfske Rakkot ocet omes, Este-cate tvlofvn.

MvN cetto cvpcvket Estvkwnayv kicetvt fulles. Mv cetto en cvpke estele-vhopakv pale cahkepat 'sen hoyvnet sases. Ena eto en rakke omet omēs. E cukwv rakke mahet omēs, e nute fvsfvket, acopy 'sen rakrvket omēs. E turwv hvyayvhoket omēs.

Mv cetto elawof, nene tempen eton veemket, lyteen oh wakkēs, momet waky, corakko, este tis eto elecvn hoyanof, oh tasiket, wvnahyet, elehceet nokmēles, momet nokmelof hvfypan ehket, nettv sulken wākkēs, mome mvketekof eshechoyen omat, eleho-cēs, e emvnicēko taye hakekv.

Cusvlke em etvlofvn cetto tayent fullvtes.

Cetto ohfvcev nanvke sulken nakcokv-rakko pun kerkuecet os. Momet este naorkvlke mv omvken kicet os. Momet naorkvlke em puuvkv mv cetto

este akke en holwvke omēs, kicet os. Eslevlke ekvn-
kvrpe tehoyvnecof, Hesaketvmesen vnaorkakvtes.
Momen estemerrvkuecvranan cetto totkv omvken, a
ohtotvtes akkvkvrnan, momen este sulket pvsatkv-
tes. Momen mv cetto akkat naket en wiceceko ta-
yen hecakof, Moseskvn a oh ahwet, "Naorkēs, mo-
met Hesaketvmese vnrven, momet cemeu ece'nr-
ven opunahoyes," makakvtes. Hesaketvmese emeku-
sapetsken, heyv cetto pun kvpyecicekvs, makakvtes.
Momen Moseskv este em emekusapvtes. Momen
Cehofvt Moseskv em punayet, Cetto totkv omen hv-
yvs, momet eton ohtvrvs: momen ocvres, mv este
cetto akkat vtekat, mvn oh hecuf, hesakvres, kicvtes.

Momen Moses cetto vhake cvto-lanen es hayvtes,
momet eton ohtarvtes. Momen ocvtes, cetto este
estomen akken omat, mv cvto-lane cetton hecuf, he-
sakovtes.

Cesvs Nekotemyse emvliayof, heyv ohonvkvu opu-
nvyecvtes, ymv ekvuv em vtotketv oh hvayicat.
Eslevlke mv cetto akkat em wiceceko tayat etvpom-
en, este estomet em puyvfekev naorketv en kvpi-
yeciceko tas. Monkv cvto-lane cetto oh hece he-
sahokvte etvpomen, naorkvlke Cesvs oh hecet, oh
vkvsamat hesahokes.

14 "Momen Moseskv vnrvv ofv cetto kvwapvte
etvpomet este Echusvv kvwvpkvrnanet os,

15 Oh vkvsamat vtekat estemerkekot, momis
hesaketv yuksv-sekon ocvren.

16 Hesaketvmese ekvuv vnokece mahet omekv,
eppuce hvnkuse heckueevte emvtes, mvn estimvt
oh vkvsamat estemerkekot, momis hesaketv yuksv-
sekon ocvren."



HACKV.

ESTE-HACV toyvkares, kometsket on omat, momet yvmv ekvuv ce'stemerruset hueret, momet ekvuv hvmkeu emeyuksv seko ce sunkvre ce yacekon omat, uehome lvhsetskvs, momet nake este hacece tayat celahyetskvs. Este eskakat vpvke vhrefskvs, momet uehome sasat oh vhyetskvs. Estomuse estomis esiketskvs. Estomusen este esket o estomis, ohvtvlaken esket vyecicen, ohvtvlaken esket vyecicet, este-haco mahhe haket omekv, celvyekot lasekat huervkat tvlkuset, mv nak' esketv homat emvnttet hueretvt os. Nakeokv-rakkot okat, este horkopvlke, monkat este hacvlket o estomis Hesaketymese 'metvlofv esceyekos, maket os. Hoktarkv nakvhake-mekusvpkv, porkv, homeckv, eleckv, hackv, mv nake mv omvke momece sasat vtekat Hesaketymese' metvlofv escehyekos. "Horkopvlke tis, holacvlke tis, hacvlke tis, tvlke cvlke tis, monkat mvkerrvlke tis, Hesaketymese me Tvlofv escehyekos." Nakeokv-rakkot maket os.

HOTVLE.

HOTVLEN pohvs! Estimvt hotvle hayvte te? Hesaketvmeset hayvtes. Hotvle momekvs koman hotalet, momet momekvs komofvn fekhonnet omēs. Vnehkvn hotvle hehevko tis, estvmivlkis vm vfolotet hotalet omes. Mvtypomen Hesaketvmese nak' omvlkvn hecēt kerret omēs. Ahuyiret vn topvn en kvpakvyat cv heces, vtotkvrant, monkat ahkopvnrant ayvyat cv hecēt, hvtvm wakkvyat cv hecēs. Hesaketvmese nake estomvyat omvlkvn kerret onomat, nake makvyat kēres. Aeha, opunkv holwahoken opunayit, momet vretv holwvken arin omat, Hesaketvmese ve vnokecekares.

Ps. 139 :1. "Cehofv toyetskat, ve ofvn cv hopoyet, cv kerretskes.

2 Likit, hvtvm a huervyis cv kerretskes, vm vkerrickv hopvye tis kerretskes.

3 Vn nene, momen vn wakketv tis vm vfolotet, momen vm vretv omvlkvn vn kerretsket os.

4 Cehofv toyetskat, opunkv cv tulaswv vtehkat kerretskeko sahsekot ok, omvlkvn kerretsket omes.

5 Cv yypvt ot, cv homv tis, vm vfolotetskvttet omes.

6 Nake kerretv *heyv omat* estomahet, ve ohfvnkes; hvlwet omes, mv *oretv* estohmvkos.

7 Estvmvn ahyit, cem Puyvfekev en kvpvkar haks, hvtvm estvmvn vletkit, cen renakv en kvpvkar haks?

8 Kwvpikit hvlwe-tvlofvn ecevyis, mvn liketskes; totkv-rakko ofvn vn topv hayvye estomis, hevsv, liketskes.